




Republika e Kosovës / Republika Kosovo / Republic of Kosovo

Kuvendi Komunal Rahovec/Skupština Opštine Orahovac/Municipal Assembly Rahovec



Drejtoria për Ekonomi, Zhvillim dhe Turizëm
Odeljenje za Privredu, Razvoj i Turizam
Department of Economy, Development and Tourism



THIRRJE PËR APLIKIM

1. Skema e grandeve "Zhvillimi i ndërmarrësisë në komunën e Rahovecit"

Komuna e Rahovecit me lansimin e skemës së grandeve për përkrahjen e zhvillimit të ndërmarrësisë do të ndihmojë në plotësimin e nevojave të të berit biznes. Kjo skemë e grandeve do të mundësojë që projektet cilësore biznesore të implementohen dhe zhvillohen më tej, duke krijuar kështu vende të reja pune. Këto vende të reja të punës do të gjenerohen nga rritja e ndërmarrjeve ekzistuese që veprojnë në sektorët me potencial më të madhe për zhvillim.

2. Synimet e Thirrjes për Projekt Propozim

Synimi i përgjithshëm i thirrjes është zhvillim socio-ekonomik komunal i balancuar përmes përkrahjes së zhvillimit të bizneseve në sektorin e zhvillimit ekonomik në komunën e Rahovecit.

Synimet specifike të kësaj ThPP janë:

- Krijimi i vendeve të reja të punës, me theks të veçantë për gjininë femërore dhe të rinjë
- Zhvillimi i ndërmarrësisë (zejeve) tradicionale të komunës sonë;
- Zhvillimi i ndërmarrësisë që kontribuon direkt në zhvillimin e sektorit të ekonomisë.

3. Përkrahja financiare e ofruar nga autoriteti kontraktues

Shuma e përgjithshme indikative për këtë thirrje është 20,000 € Autoriteti Kontraktues rezervon të drejtën të mos shpërndajë të gjitha mjetet në dispozicion.

Grandi do të jepet për:

Projekte biznesi (mikro ndërmarrje 1-9 punëtor)

Shuma e grantit

Vlera e grantit do të jetë deri në 2,000 €

Përqindja e bashkëfinancimit nga aplikantët duhet të jetë 20%. Shuma prej 80% mbulohet nga Autoriteti Kontraktues (Komuna e Rahovecit).

4. Kualifikimi i aplikanteve: kush mund te aplikojë?

Për t'u kualifikuar për grand, aplikanti/ja duhet:

- Të jenë shtetas të Kosovës, banor rezident i komunës së Rahovecit (dëshmohe me kopjet e letërnjoftimit),
- Aplikanti i përzgjedhur duhet që ligjërisht të themelojë biznesin në komunën e Rahovecit para nënshkrimit të Kontratës së grandit,
- Të jetë drejtpërdrejt përgjegjës për përgatitjen dhe menaxhimin e projektit,
- Bizneset e regjistruara duhet që të kanë të shlyera të gjitha obligimet ndaj Komunës së Rahovecit,
- Personat Fizik që aplikojnë të kenë të shlyera obligimet ndaj tatimit në pronë.

5. Aplikantet qe nuk kualifikohen

Aplikantet potenciale nuk mund te marrin pjese ne ThPP janë te renditur si ne vijim:

- Është shërbyes civil në ndonjë nga institucionet lokale ose qendrore të Kosovës,
- Është banor nga ndonjë komunë tjetër,
- Kanë bankrotuar apo janë në mbyllje, janë nën administrim të gjykatave,
- Kanë pezulluar aktivitetet afariste,

6. Sektorët

Përmes thirrjes aplikantet duhet të paraqesin projekt-propozim për sektorët:

- Përpunimi i metalit
- Përpunim i plastikës
- Përpunimi i drurit
- Arti zanatet

7. Lokacioni

Projekti duhet të realizohet në territorin e komunës së Rahovecit.

8. Formularët e aplikimit

Aplikantet duhet të dorëzojnë formularin e aplikimit duke përdorur formularin e aplikimit të ofruar nga autoriteti kontraktues të bashkangjitur në këtë thirrje .

Dokumentacioni i nevojshëm për aplikim:

-Nëse aplikuesi është person fizik:

- Formulari i aplikimit
- ID e aplikuesit
- Projekt Propozimi
- Vërtetimi i tatimit në pronë
- Konfirmimi për llogari bankare

-Nëse aplikuesi është person juridik:

- Formulari i aplikimit
- Projekt Propozimi
- Certifikata e biznesit (informata për biznesin)
- ID e pronarit
- Vërtetim që i ka të shlyera obligimet ndaj Komunës së Rahovecit
- Dëshmi se nuk ka obligime ndaj ATK-së
- Konfirmimin e xhirollogarisë bankare

9. Kriteret dhe Vlerësimi

- Të jetë biznes i regjistruar (aktiv në ARBK),
- Të ketë të deklaruar së paku 1 punëtor brenda vitit 2018 (dëshmi e ATK-së)

Vlerësimi i aplikacioneve do të përfshijë kontrollin administrativ, kontrollin e kualifikueshmëris dhe vlerësimin final. Procesi i kontrollit teknik do të vlerësojë nëse aplikuesi ka paraqitur dokumentet e kërkuara me këtë udhëzues, kontrolli i kualifikueshmëris do të vlerësojë nëse aplikuesi ka respektuar kriteret e kualifikueshmëris dhe vlerësimi final i cili do të vlerësojë në bazë të kriterëve për vlerësim. Grandi do ti jepet aplikanteve (me notë më të lartë), deri në kufijtë e buxhetit në dispozicion.

10. Shpenzimet e pranueshme

Llojet vijuese të aktiviteteve në përputhje me synimet e THPP llogariten si shpenzime të kualifikueshme:

- Investimet në asete të prekshme që kanë të bëjnë me blerjen e pajisjeve, makinerisë, linjat e prodhimit, përmirësimin e proceseve dhe metodave prodhuese;

11. Mënyra e Aplikimit

Aplikacioni mund të shkarkohet në WEB-faqe të Komunës së Rahovecit, ose të tërhiqet në zyrat e Drejtorisë për Ekonomi, Zhvillim dhe Turizëm

Aplikacioni i plotësuar duhet dorëzuar në adresën:

Drejtoria për Ekonomi, Zhvillim dhe Turizëm, Komuna e Rahovecit

Rr. "Sheh Myhedini" pn.

12. Afati për dorëzimin e aplikacionit të plotë.

Afati për dorëzimin e aplikacionit është nga 04 shtator deri më 23 shtator 2019.